

NÚKLEU ALIANSA NIAN MAK ALIANSA FUAN NIAN (Jer 31, 31-34)

L1: Maromak nia aliansa ho Noé (kf. Gen 9,8-17) fó inísiu ba perspetiva unversál salvasaun no relasaun ho Maromak (Dom I Kuarezma);

L2: Abraun no Isaac nia obediénsia fiar nian (kf. Gen 22,1-21) hatudu mai ita kondisaun sira atu tama iha relasun ne'e (Domingu II);

L3: Maromak nia Liafuan Sanulu iha Sinai (kf. Es 20,1-17) oferese mai ita konteúdu atu ita moris iha komuñau ho Maromak iha dalan liberdade nian (Domingu III);

L4: Lee filafali Israel nia istória iha fiar, ne'ebé autór Livru Crónicas nian halo (2Cr 36,14-23) revela mai ita atitude mizerikordiozu no fiél Maromak nian ba nia povu (Domingu IV)

G: Ohin, profeta Jeremias lori ita ba perspetiva unversál aliansa nian hatudu nu'udar "kriasaun foun" ne'ebé Maromak rasik halo ba Israel no ba humanidade. «Ha'u sei tau Ha'u ukun-fuan sira iha sira laran, hakerek iha sira fuan», nune'e mak Na'i ko'alia liuhusi profeta Jeremias niaibun. Aliansa la'ós buat ruma esternu no labele asesu: nia natubun iha ita-nia moris nia sentru iha-ne'ebé hakerek katak ita mak oan sira ne'ebé Maromak hadomi no perdua. Hotu-hotu no nafatin. Tanba Kristu, Mane Makso'in hasa'e tiha ona husi rai (kf Evanjellu Jo 12,20-33) no dada ema hotu ba nia ho don mia moris nian.

KNANANUK ESPOZISAUN NIAN



Father, I adore you,
Lay my life before you,
How I love you.

Jesus, I adore you,
Lay my life before you,
How I love you.efore you,

Spirit, I adore you, lay my life before you, how I love you.

Adorasaun pesoál iha silénsiu

G: Ita invoka Maromak no Charles De Foucauld: nia liafuan sira:
"Ha'u Aman, ha'u saran bha'u klamar ba Ita liman, ha'u fhasa'e ba Ita, ha'u Maromak, ho ha'u fuan nia domin tomak, tanba ha'u hadomi Ita. No mai ha'u ne'e, saran ha'u an mak ezijénisa ida domin nian, tau ha'u an iha Ita-nia liman sira laho sasukat, ho laran-metin ne'ebé la nahas, basá Ita mak ha'u Aman".

MAROMAK LIAFUAN (Jer 31, 31-34)



Na'i futar lia: loron sei to'ó, Ha'u sei halo moruk foun ida ho Israel uman no Judá uman. Nia sei la hanesan moruk ne'ebé Ha'u halo ho sira nia bei-ala sira, hodi hasai sira housi rai Egipto. Moruk ne'ebé sira la halo tuir, maski Ha'u ukun sira - Na'i futar lia.

Maibé, ida ne'e mak moruk ne'ebé Ha'u sei halo ho Israel uman, liu tiha loron hirak ne'e- Na'i futar lia. Ha'u sei tau Ha'u ukun-fuan iha sira klamar, hametin iha sira fuan. Ha'u sei sai sira nia Maromak, sira sei sai Ha'u nia povo. Sira sei la hanorin malu, sira ida-idak sei la dehan ba nia maun-alin: "Imi buka hatene Na'i". Sira hotu, ki'ik, boot sei hatene Ha'u - Na'i futar lia. Basá, Ha'u sei perdua sira salan, Ha'u sei la hanoin tan sira hahalok aat.

SALMU 50

MISERERE MEI, DOMINE.

Pietà di me, o Dio,
per la tua misericordia
nel tuo grande amore
cancella il mio peccato.
Lavami da tutte le colpe
e dal mio peccato mondami.
La mia colpa conosco,
dinanzi ho il mio peccato. **Rit.**

Contro te solo ho peccato,
ciò che è male io l'ho fatto;
è giusta la tua parola e retto
è il tuo giudizio.
Nella colpa sono generato,
nel peccato concepito.
Ma tu vuoi un cuore sincero,
sapienza tu mi insegni. **Rit.**

KOMENTÁRIU

Durante konsertu múzika jazz nian ida, pianista hahú halo improvisaun (toka ho modu mekániku no furak) kona-ba tema muzikál ne'ebé husu ba nia. Ninia liman sira halai livre iha tekladu no ema hotu nakonu ho maravilla tanba nota sira múzika nian ne'ebé nakdulas ho lais ne'e. Fantazia, jénui no imprevizivel mak karakterístika sira ba ninia ezelesaun muzikál.

Maibé, ita dalaruma hanoin ona kona-ba estudu hira iha kriadividade ne'e nia kotuk? Téknika hira, repetisaun hira, haka'as an maka'as hira ne'ebé mak múziku ne'e tenke enfrenta molok nia rasik bele kria buat foun ida? Iha sentidu ida, Na'i husu ita atu hanesan pianista ne'e: fiar/fé prezisa tempu, pasiénsia, orasaun, konstánsia no dalabarak, ita haree ona, prezisa korresaun sira no instrumentu esternu sira atu gia ita iha momentu sira ne'ebé kritiku liu. Maibé se ita persevera, se ba monu ida-idak ita hamriik forte liután ida uluk, aliansa ho Maromak la'ós ona fatóre esteríór ida, maibé sei natubun husi sentru kle'an liu, auténtika no ho fuan barak ba mundu.

MAJISTÉRIU PAPA FRANCISCO NIAN – FRATELLI TUTTI

Leitura pesoál iha silénsiu

87. Ema nia an tuir ida-ne'ebé halo nia, la realiza, la dezenvolve, nune'e mós labele hetan nia plenitude «exetu iha don sinseru an rasik nian» ba ema sira seluk. No nia la sei la to'o ba rekoñese kompletamente ninia lia-loos, se la'ós iha enkontru ho ema sira seluk: «Ha'u komunika loloos ho an rasik, iha medida iha-ne'ebé ha'u komunika ho ema seluk». Ida-ne'e esplika tanba sá ema ida labele esperimenta valór moris nian, lahó ema ho oin konkretu sira atu hadomi. Iha-ne'e mak segredu ezisténsia umana auténtika, basá «vida tahan moris iha-ne'ebé iha vinkulu, komuñau, fraternidade; no nia sai vida ida forte liu mate, bainhira harii iha relasaun loos no vinkulu fidelidade nia leten. Iha kontráriu, la iha vida bainhira ema hakarak pertense de'it ba an rasik no moris hanesan rai-ketan ida: iha atitude sira-ne'e mate mak domina».

88. Husi ema ida-diak nia fuan nia intimidade, domin kria vinkulu sira no haluan ezisténsia, bainhira hasai ema husi an rasik no lori ba ema seluk. Halo ho domin, iha ita ida-idak eziste «espésie lei ida "éstaze" nian: sai husi an rasik atu hetan iha ema seluk aumentu ba an rasik». Tanba ne'e, «ema tenke konsege sai husi an rasik, husik atu buka apoiu iha an rasik, husik ema lori nia» ([trad.port.nian]; iha italianu dehan "*Perciò «in ogni caso l'uomo deve pure decidersi una volta ad uscire d'un balzo da se stesso»*").

89. Husi parte seluk, ha'u labele redús ha'u-nia moris ba relasaun ho grupu ki'ik-oan ida, lae ho ha'u-nia familia mós, tanba imposivel komprende an rasik lahó rede relasaun luan liu: no la'ós de'it ho ida momentu atuál nin, maibé mós ho ida-ne'ebé mai molok ha'u no fó forma mai ha'u iha ha'u-nia moris tomak. Ha'u-nia relasaun ho ema ida ne'ebé ha'u estima, labele ignora katak ema ema ne'e la moris de'it ba ninia relasaun ho ha'u, nune'e mós ha'u la moris de'it hodi relasiona ho nia. Ita-nia relasaun se saudavel no auténtika, loke ita ba ema seluk ne'ebé halo ita sai boot no sai riku.

SÚPLIKA SIRA NO KNANANUK: O Christe Domine Jesu

- Ba ita-nia Santu Padre, bispu sira, amlulik sira no relijiozu/a sira.
- Ba governante no líder polítiku sira.
- Ba ita-nia inan-aman, maun/biin-alin no parente sira.
- Ba mundu ne'ebé sofre pandemia no kuran dame.
- Ba misionáriu/a sira hotu.
- Ba vokasaun sira.
- Ba respeitu ba vida.
- Ba familia sira atu sai santa.
- Ba ema ne'ebé moras no besik mate.

- Ba Kreda nia nesesidade sira.
- Ba ema sira hotu, ne'ebé halai husi Kreda.
(*Pauza ba intensaun sira seluk*)

ORASAUN FINÁL

«Ha'u Na'i Jezús, Ita, ne'ebé iha domin boot mai ha'u to'o Ita tun husi lalehan atu so'i ha'u,

Hatudu mai ha'u, Na'i doben; hatudu mai ha'u, ha'u-nia indignidade, hanorin ha'u arrende ho sinseridade, ih aita-nia laran-sadia perdu'a ha'u.

Ha'u husu Ita, ha'u-nia doben Maksoin, atu Ita foti ha'u nu'udar Ita soin. Ita-nia perdaun de'it mak bele halo ne'e; ha'u labele salva an mesak; ha'u la iha kbiit atu rekupera buat ne'ebé ha'u lakon.

Lahó Ita, ha'u labele filafali ba Ita, nune'e mós haksolok Ita. Se ha'u sura de'it ha'u nia forsa sira, ha'u sei sai aat ba beibeik. Ha'u sei sai fraku kompletamente, ha'u sei sai toos tanba neglijénsia. Ha'u sei halo ha'u-nia an mak sentru, envezde Ita. Ha'u sei adora maromak falsu sira ne'ebé ha'u rasik halo, envezde adora Ita, Maromak loos mesak, ha'u-nia Kriadór, se ita la impede ho Ita-nia grasa. Oh, ha'u Na'i doben, rona ha'u bá! Ha'u koko tiha ona moris estadu ida-ne'e: iha kalohan, la deside no moris la manas la malirin.

Ha'u hakarak sai ita-nia sevi-na'in fiél. Ha'u lakohi tan ona sala! Laran sadia netik mai ha'u! Halo posivel, hodi Ita grasa, atu ha'u sai buat ne'ebé ha'u hatene ha'u tenke sai».

(*S. John Henry Newman*).

KNANANUK REPOZISAUN NIAN:

*Haraik laran mai ha'u, boot atu hadomi.
Haraik laran mai ha'u, b'ani atu hafunu.*



1. Ema foun hatama moris foun, sira hodi hanorin lia Kristu. Ema foun nebe hakarak moris la tauk atu kaer dalan naruk.
2. Ema foun hafunu hodi hein sira kaer dalan atu buka lialos. ema foun lakohi hela iha sala, ema foun hakarak laran mos.